

Sakspapir

Saksbehandlar	Arkiv	ArkivsakID
Eirik Bouwer Utne	FA - A30, TI - &00	17/600

Saksnr	Utvalg	Type	Dato
30/2017	Utval for levekår	PS	21.03.2017
28/2017	Kommunestyret	PS	29.03.2017

Vedtekter for Meland kulturskule - revidering

Vedlegg:

Vedtekter frå 1. januar 2011

Vedtekter frå 1. mars 2015

Saksopplysningar:

Bakgrunn

Meland kulturskule har behov for mindre endringar i vedtektene, sist gjeldande frå 1. mars 2015. Først og fremst gjeld dette å kunne gi familiar med låg inntekt høve til å søkje om redusert eigenbetaling. Vidare legg ein opp til å avslutte undervisingsåret ei veke tidlegare før sommaren, samt mindre justeringar til faktiske forhold.

Vurdering

Vedtektene vart lagt om til 2011, og revidert i februar 2015 grunna innføring av nytt administrasjonssystem. Endringane som vart gjort den gong dreidde seg om punkt 1, 4 og 23.

Følgjande punkt vert lagt fram til revidering i denne saka:

Gjeld punkt 7: Retting av namn frå Kommunalavdeling for kultur og oppvekst til Tenesteområde kultur

Gjeld punkt 13: Endring av aldersgrense for dans frå 4 til 3 år. *Grunnkurs* har skifta namn til *Kultursirkel* og *Musikk frå første stund* er gått ut.

Gjeld punkt 17: Endring til faktiske forhold gjeldande fakturering av eigenbetaling.

Gjeld punkt 21: Kulturskulen opplever somme gongar høve for å kunne tilby redusert eigenbetaling. Ein legg her opp til å følge grensene for gratis kjernetid i barnehagar, som frå 1.1.2017 gjeld hushald med samla bruttoinntekt som er lågare enn kr 417 000. Reduksjonen vil verte gitt mot søknad, og eigenbetalinga er lagt opp til å ligge på 50% av normal sats, som i 2017 er kr 1750 per semester. Ein har vurdert grensa for redusert foreldrebetaling i barnehagar, kr 500 500, som å vere for belastande for kulturskulen sin økonomi. Tiltaket vil med det ikkje vere av ein meir generell karakter, men heller

gi kulturskolen hjelpemiddel til å nå dei barna som har minst.

Gjeld punkt 23: Siste veka før sommaren er det stort fråvere grunna andre avslutningsarrangement for same aldersgruppe. Siste veka før jul vart omdisponert ved revideringa i 2015 med same grunngjeving. Kulturskolen ønskjer på tilsvarande vis å kunne nytte denne personalressursen til konsertar, framsyninga, møteverksemd, personalmøte, kompetanseheving og fellesmøte.

Folkehelse

Redusert eigenbetaling vil kunne vere eit bidrag til at barn og unge, som elles ikkje alltid har høve til å delta grunna økonomi, kan ta del i kulturskuleundervisinga.

Miljø

Ikkje vurdert i saka

Økonomi

Redusert eigenbetaling vil påverke kulturskolen sin økonomi, men er vurdert til å kunne dekkast inn på det nivået ein her legg opp til.inntekta vil per 2017-nivå verte redusert med kr 1 750 per elev som får godkjend redusert eigenbetaling, per skuleår.

Konklusjon

Punkt 7, 13, 17, 21 og 23 vert endra til følgjande tekst, med endringane i kursiv:

7. Søkjaren har klagerett på opptaket, klagefristen er tre veker etter avslaget. Klagen sendast Meland kommune, ***tenesteområde kultur***.

13. Kulturskolen har ulike aldersgrense for ulike disiplinar:

Dans	3 år
Songgruppe	1. klasse
Song, einskildtimar	4. klasse
Piano/keyboard	2. klasse
Slagverk	2. klasse
Gitar	2. klasse
Band	5. klasse
Teater	1. klasse
Visuell kunst	1. klasse
Kultursirkel	1. klasse

17. Elevavgifta ***vert fakturert om lag midt i kvart semester*** (haust- og vårsemester).

21: ***Hushald med inntekt lågare enn kr 417 000 brutto per år kan søkje kommunen om redusert eigenbetaling, til 50% av gjeldande sats, for barn opp til 16 år med plass i kulturskolen. Med søknaden må det følgje inntektsopplysingar. Fristar er 1. mai og 1. november. Som hovudregel gjeld søknaden ut skuleåret. Inntektsgrensa kan endrast som følgje av politisk vedtak i samband med budsjettarbeidet.***

23. Kulturskolen følgjer same skulerute som grunnskolen i Meland kommune, med unnatak av siste veka før juleferien ***og sommarferien***, då det ikkje er ordinær kulturskuleundervising.

Framlegg til vedtak:

«Kommunestyret godkjenner at vedtektene for Meland kulturskule vert endra på punkt 7, 13, 17, 21 og 23, slik det går fram av saka. Dei andre punkta vert ståande som i vedtektene frå 2015.»

Utval for levekår - 30/2017**ULK - behandling:****ULK - vedtak:**

«Kommunestyret godkjenner at vedtektene for Meland kulturskule vert endra på punkt 7, 13, 17, 21 og 23, slik det går fram av saka. Dei andre punkta vert ståande som i vedtektene frå 2015.»

Kommunestyret - 28/2017**KS - behandling:****Framlegg til vedtak frå Øyvind H. Oddekalv.**

Saka vert utsett til kommunestyremøtet 10. mai.

Utsetjingsframlegget vart samrøystes vedteke.

KS - vedtak:

Saka vert utsett til kommunestyremøtet 10. mai.